

# OMUKWETU

Registered at the General Post Office as a Newspaper

## Eputudho lyopakriste

John Tau

Elalakano lyondjokana kali shi ashike okuyakulathana moompumbwe, ihe olyo etameko lyelandulathano (Brandmeyer). Aanegumbo (familie) ongundu yi li mekwatathano ya tulwa kumwe kombinzi, keliko nokondjokonona.

Omuntu oto vulu wo oku yi fatula kutya ongundu ya kwatelwa kumwe kaakuluntu yaali ya zimininwa muyo. Oyai kwatelwa wo kumwe kokanona omwana nenge komutekulu, keliko nokokuvalathana.

Ondjokana yoshili oya tulwa kumwe ke-longelokumwe lyeliko nokiinakugwanithwa yamo. Aanegumbo aantu ye li koho yooveta dha uthwa nosho wo komikalo.

### Iinakugwanithwa

Oshinakugwanithwa shimwe shomoondjokana osho okugongela eliko. Ihe oku na wo iinakugwanithwa yi ili mbyoka tayi longwa kaantu ngaashi; okwiilonga okulonga oshilonga paithano lyoye, okuvala nokusa.

Okukalathana kwopasosiale otaku pumbwa euvito lyomuule lya kola momuntu kehe. Shoka otashi kolekwa ngele omuntu u uvite a simanekwa nota yambulwa. Oshigwana kehe oshi na omikalo dhasho noondjigilile nomautho. Kombinga yetu aakriste otu na iipango mbyoka tu na oku yi gwanitha. Aanonaa taa longwa okudhiginina omikalo opo ya kale pankalathano ndjoka ya pumbiwa.

Uuteologi, owa tunga ontopa ndjoka onene noomeme otaa vulu ihe okukwatha meputudho. Okanona kehe osha yela kutya otaka kokele pamwe noompumbwe dhopalutu, onkee ke shi wo shono Kalunga teka ningile.

Yina ngele ta lele okanona, oku na omandhindhiliko ogendji nokanona otaka ilongo shono e hole naashono kee hole. Tse aantu otwa hala okulonga shono sha pandika wo kuyalwe, shono itashi tu sitha ohoni, ihe tashi tu etele enyanyu.

### Omikalo dheputudho

Otashi vulika omuntu a putudhilwa muumbanda, uuna ita kala inaa ya koosa dhaandjamushiinda, oshoka a tila ku tiwe, oye a lya nakusa. Aasita otaa tilitha wo aakriste noheli, onke aantu taa udha megongalo nando kaa uviteko ukriste wo wene.

Tala kep. 5.



Hipi? Aawe, operona yu udha. Tala kep. 2.

# Delk a nyengwa okuya mehangano lyongerki

Ongerki onkwaevangeli paLuther yAandowishi mUushimba (DELK) ya nyengwa okupita momweelo guukumwe nokuninga oshilyo mOngerki ya hangana onkwaevangeli paLuther muSuidwes (VELKSWA).

Omadhiladhilo ngaka oge na okuyela tango koombinga adhihe mbali manga etokolo lyokuya mehangano nenge lyoku-taambelwa muVelksa inaali ningwa. Eid

## "HIPIS"

Otaku tengenekwa nokutya, ovanyasha muAmerika konyala 300,000 omudo keshe otava efa ekwatafano loukwashiwana ngashi la ikwa shito nde tave litungile ounyuni wavo mupe.

Otava faduka po omidingonoko da nyika oita, va loloka omaweelelo, va loloka eeveta nomayufo ovanhu, vawmwe va loloka olupuna navamwe va loloka omaluhepo.

Ovanyasha vomhepo ei ohava kala nelalakano okudjala ve lifa, okweenda ve lifa neenghedi de lifa. Keshe umwe to shi tale oshe ku yelesa kutya apa opa holoka eputuko lipe lela moshiwana.

Vahapu va hovela nale okuyandja oushima mokukala kwa tya ngaha kwovanyasha, inaku valula ondilo yomikalo dopanhu. Osheshi oluhaelo mongudu ei otali ningwa efimbo keshe ponhele keshe mongudu ile mouwike. Oikolwifa okatokolaxungi okwiidimbwifa nokudipaa omaliudo aeshe.

Oikutu yopaife ya hokiwa kovanyasha nomuSuidwes eembulukweva domakanya manene neexwiki dile ohaku tiwa oyeehipi. Oikutu hayo tai ningi omunhu nima, nde elihumbato lomunhu mwene oshinima sha fimana unene monghalafano. Otaku tiwa kutya itashi pula efimbo ile eenghono okutekulila omunhu omhepo youhipi. Shimha tuu to longifa oinima ei:

a) Eumbo loye li kanife Omhepo yaKalunga nde oipupulu, omalisheko, oumbudi tai kala okukalamwenyo kwefiku keshe.

(b) Tekulila okaana kokule naina naxe ile meumbo leenhamanana efiku keshe, okaana taka ningi ngaashi ka hala, paife shi shiiva nee kutya ou li momufinda muwa okumona ohipi yolela.

Kanifa ekwatafano meumbo loye novaneumbo. Ino lipula noupyakadi ou tau holokamo kounona ile kulye-lye, nena tashi ti ou li pokufindana.

c) Tekulila ounona voye mombada nokutila onakwiwa. Va ulikila nawa kutya ku va lilepo, nave ku mone nhumbi naave wa limbililwa ku na eteelelo liwa. Oyo ondjila iwa okufika mouhipi woshilumenhu.

d) Ulikila yo oludalo kutya owe li tila, ile ku shi naanaa apa wa hala oku li twala, ile va ulikila kutya ku shii omaudjuu avo ove ito dulu oku va kwafa muo. Nashi kale oshinima shavo ngeenge tava tokola okulonga ouwa ile owii, ngeenge va hala okukala ngaashi ovanhu ile ngaashi oinamwenyo. Ngeenge owa endifa nondjila ei, ino limbililwa, ehongo loye, owa mona oshiwana shipe sheehipi.

Oyo aische ve yele nove i ekelashi, oya shituka natango oulunde mupe mokati kavu. Amerika naEuropa otava kondjo paife nomhepo ei. Oludalo laAfrika otali ende peni, nolyle-lye e va kwetele komesho, oKristus ile . . . . ?

Nonando aasitagongalo naawilikingerki mongerki yAandowishi ya kambadhala noonkondo adhihe okuyelithila iilyo yomagongalo gawo shoka ehanganano ndika lyongerki tali ti, euvoko lyopombambo otali pangele natango maakriste oyendji.


linima yimwe tayi limbilike aakriste mongerki ndjoka oya popiwa kuyo kutya, ngele twa hangana ndishi omagongalo getu otaga ka lungilwa mumwe nogaa-luudhe? Ndishi uunona wetu otau kala hau kolekwa kaasita aaluudhe? Ndishi mokuhangana otatu ka uvithilwa ihe momagongalo getu melaka lyOshiafrikaanisa nenge mOshihherero?

Oongerki mbali dhaavalelwamo muSuidwes; Ongerki yaELK mUushimba noya-Elok sho dha shaina ekotampango lyuukumwe petameko lyomumvo nguka mOtjimbungwe, Ongerki yAandowisi oya nyengwa oku shi ninga, oshoka uukumwe mboka oshinima sha kala inaashi yela momagongalo gawo.

Ihe aamwameme mbaka oye tu thigile eindilo kutya, omweelo gwetu gwehanganano gu kale gwe ya egulukila siku taa pyakudhukwa momalimbililo gawo manga ya tegelela etokolo lyoshigongingerki shawo pehulilo lyomwedhi nguka.

Ihe manga oshigongingerki shoka inaashi tameka omagongalo gi li nogi ili mongerki ndjoka oga tumu efaneko kEpangelongerki lyawo, opo etokolo lyoshikundathanwa shokutaambelwa mehangano lyongerki shi undulilwe koshigongingerki shomumvo tagu ya 1973.

Ihe eipulo ngele ongerki yAandowishi tayi vulu okutambelwa mehangano lya Velksa, osha kala wo eipulo nomoongerki ndhoka dha hangana. Omalimbililo omanene oga zile mpoka sho Delk oya li yi iku-tha mo momadhiladhilo goongerki dhaavalelwamo sho dha nyolele ombilive ye eguluka koministeli yotango ya S. A. Mr. John Vorster.



## OULADI WOUKRISTE

Ngeenge hatu lesa Ombibeli, naunene Etestamendi Lipe, nomakonakono a ya moule womutima, ohatu mono nana kutya, oukriste otau indile omunhu elitulemo loshili, eliteeko, eliyapulo nelikeelelo kwaashishe shi na omhunde youtondadi naKalunga novanhu vakwetu.

Ngeenge hatu tange evangeli nomishangwa yovatumwa vaKristus, ohatu mono nokutya, oukriste kashi fi mboli oshinima shondode, shouvaya nelitangaleko. Kristus ina hala ovahongwa va kale va lunduka, va fa va le-lwa ondebula, ve lishii oufuuli. Jesus ote tu indilile oukriste wetu u kale wa ningina momunhu aushe.



Ombibeli yetu otai holoka naini? Enyamukulo kepulo eli otipu pare, osheshi otali ti ashike: Opaife lela. Okangudu aka eshi ka ongala paife muAguste mEngela noka etelwa kumeekulu Laina Kivela, (mefano pom-bada) osho sha ningwa po, oka fika metokolo i tumwe mOshinyanya-ningido.

# Iilonga oyindji nevluluko efupi

Rev. H. v. Schantz

Aayapostoli noya gongalele puJesus noye mu hokololele ayihe mbyoka ye yi ningi nokehe shoka ye shi longo aantu. Jesus okwa ti kuyo; "Ileni mu kiikalele kokuma ku li owala....." Mark. 6:30-43

Aalongwa oya gongalele puJesus sho ya galuka koshilongatumo shawo nkoka Jesus kwa li e ya tumu. Oya li ya vulwa nokaye na ethimbo Jesus okwe shi ndhindhilike wo, onkee te ya tumu muuwike ya ka vululukwe po.

Esiku inali enda we ngaashi ya li ya dhi-ladhila. Evululuko lyo lyene oya fa ngaa ye li mono, ihe ngiika oya li efupi. Osha li mowato. Ongerki ohayi yelekwa aluhe no-wato, na Jesus omo ta kala moka ta vululukwa.

Owato yongerki aluhe otayi uka kokuma ku li owala. Osho sha ningwa nokowato yAasoomi oye ende yu uka kokuma kwa fa ku li owala. Aalongwa ya fa ya yemata kashona, oshoka opwa li aantu oyendji pehala ndyoka.

Aalongwa pamwe inaa za mo mowato mwiwaka, Jesus oye awike a yi kevi kaantu. Otashi vulika aalongwa ya li ya geya noya ningi oshipotha, oshoka oya li ya vulwa.

Jesus aluhe ota tetekele, oye omutetekeli nota mono aantu ya fa oonzi dhaa na omu-sita. Ov.34. Mpaka ope na epulo ndika: "Aasita yaantu mbaka oye li peni?" Itashi tseyika nawa.

Aalongwa oye ya neindilo kutya: Laleka aantu ye kiilandele iikulya" Ov.36. Ngoka inaa kwatwa kombepo yEtumo, ota tegelele kehe gumwe iikongele iipalutha ye mwene ngaashi ta vulu. Jesus oku na omadhiladhilo gi ili moshinima shika.

"Yapeni iikulya." Ov.37. Otu na ngaa shoka tashi tu gwanene tse yene, ihe otwa fa kaatu na we mbyoka tayi gwanene yalwe. Shoka osho sha li po eyamukulo lyaalongwa

yaJesus.

Ongerki aluhe otayi yalula iiniwe yayo, pamwe tayi dhimbulula nokuli kayi na sha tashi gwanene aantu ayeye. Ihe otatu kumagidhwa mpaka: "Yapeni iikulya." Aalongwa sho ya longo shono ya lombwelwa, ayeye oya paluthwa Ov. 42.

Osho tu li nomEtumo tatu li tatu kuta, miigongi otatu kuta, ihe ondjala oyi li po onene muuyuni wetu. Ongundu yaantu yatatu, yaali mokati kawo otaa si ondjala.

Ope na iilongo yimwe mbyoka ya tseyika unene moshinima shika ngaashi India nenge Pakistani, osho wo iikwawo yilwe. Ihe oshilonga shOngerki osho okukutitha olutu nomwenyo.

## "ONGULU YANDJE OYO ONGULU YOMAGALIKANO"

Pethimbo ndino lyongashingeyi nani otaku monika natango mboka kaa uvite ko ongerki kutya oyo eha iyapuki. Omuntu ngele e li mo ku uvite ko nando kutya, oku li koshipala shaKalunga omuyapuki.

Omuntu ota vulu okuyola nokuyolitha yakkwawo ngashi a hala. Ota kuutumba a tuwalala miipundi yalwe yaa mone eha lyoku-kuutumba, aniwa omolwakahewa ke. Oto ndhindhilike mboka ya zala oometelandjeko, oyo a vule oku ya yola.

Akwetu ihuleni ano ayihe mbika tse tu galukile kOmukulili gwetu meifupipiko. "Ongulu yandje oyo ongulu yomagalikano."



Ongundu yaatekuligumbo pamwe naalngi yawo nomukuluntu gwenongelo lyaayakuligongalo Rev. Josia Mufeti, oya talelepo Oshinyanyangidho shOngerki mowwedhi nguka manga inaaya hulitha ootundi dhawo dha hugunina eti-22.9.72. Ongundu ndjika oyo onti-5 paludhi lwayo ya tekulilwa esiloshimpwiyu lyomegumbo mEngela. Nuumvo omwa kala aalongwa mbaka konyala 40.


## Hamushanga mupe wehangano leengerki mounyuni

Ehangano leengerki mounyuni (WCC) ola hoolola hamushanga mupe Rev. Dr. Philip A. Potter, ponhele yahamushanga a kula wehangano eli Dr. Eugene Carson Blake.

Omwiindia weedula 51, Dr. Potter, okwa yakula eedula hamano da ka pita mehanganoli ongomuwiliki woshikondo shetumo nosheudifo levangeli.

"Apa pe fike okweehena pomushiyakano, opo yo tapa kala pe fike ekwatafano letu meembinga adishe. Ngeenge omushiyakano tau kala onhele yopokati mokukalamwenyo kwetu, fye ohatu ka uditilafana ko omaudjuu etu."

Osho hamushanga Dr. Potter a popya koinima yehoololo laye. Okwa weda ko nde



Amushanga omupe gwehangano lyoongerki muuyuni Dr. Potter

ta ti:

"Eshi osha tomhela nge nokutya, okutongola ko oule wopombada koule wolumbubu, eshi osho okupatana omushiyakano neyumuko laKristus."

Okudja 1950, Dr. Potter, okwa kala omuwiliki woinima yovanyasha omo a kala yo ongahamushanga oule weedula nhe. Okwa li yo hamushanga wehanganotumo longerki yaMetodisi yaEngilanda, omo a kala ta pashukile oinima yetumo lokulandia naAfrika.

Eenghatu, yotete nonhivali, mouteologi okwe di pelwa mofikola yokombada youteologi muLondon. Opo muJuni 1971, ofikola yokombada yaHamburg, Ndowishilanda ye mu fimaneka nonghatu youndohotola mouteologi.

Otaku tiwa kutya ou oye omulumenhu okukalamwenyo kwaye e ku pakwila moinima yOmombibeli noyitavelo omo a mona eeshali dokulonga paitavelo mokati kovalihongi, kovanyasha nomomahanganotumo.

(ESP)

## Omuyakuli omuhokanwa gwoshilonga she

"Kamu shi yeni yene, ihe ne oyaavu omo tamu yapulile oonkondo dheni, ethimbo lyeni, oondunge dheni. Osho omumbisofi gwongerki ndjika, Dr. Leonard Auala, a lombwela aagundjuka moshituthi shelangeko lyawo.

Aagundjukadhona 8 mboka ya longwa oomvula ne mosikola yaayakupangi mO-nandjokwe, oya nyola ekonakono lyawo lya hugunina noya langekwa. miilonga eti-8.9. 1972. Omumbisofi Auala nakuku oyo ya li aavali yamwe mokati kaavali ye thike konyala po-30 ya kala moshituthi shelangeko lloyana.

"Otatu pandula aalongi yeni mboka ye tu kwatha moshilonga sheputudho ndyoka twa li itatu vulu oku li mu pa. Otatu pandula ishewe aalongi yeni ye mu longo moosikola dha tetekele. Ihe Kalunga sho e mu kwatha, hane ta dhiladhila unene, nde ota dhiladhila aantu ye mboka taa eham, oshoka aakulilwa ye."

Osho omumbisofi a popitha aapangi aape medhina lyaavali ooyakwawo. Okwe ya ulukile ondilo yeyakulo lyawo taye ke li tameka sho e ya pe oshiholelwa shekwatathano lyaahokanathani.

Nonando omausama opo ge li nenge o-maudhigu, ondjokana otayi kala ya kwate-

lwa kumwe kohole ayike ndjoka hayi siikile ayihe.

"Ne omwa hokanithwa nena naKristus, sho mwa kwatakanithwa naavu aakulilwa ye," osho omumbisofi Auala a ti.

Omusitagongalo omukuluntu Paulus Nailinge, okwa li wo melangeko ndika nokwa penduthile aayenda yoshituthi ohokwe onene okupulakena epopitho lye.

## Etongoko louhaku mo-maumbo nomoipangelo

### Epupyalo Iounona

Yandja omeva mahapu kokaana ka nwe pamafimbo mahapu lela. Omeva oo taa nuwa kokaana naa kale a fuluka ndele taa polo. Opo nee ngeenge oupyu owa handuka unene, fiku limwe okaana otaka kambuka nokuli, oto kufa elapi ile oshihanduke, shi yaveka momeva matalala, nde to dingile mo okaana okudja ofingo fiyo omaulu. Omutwe nofingo nai kale kombada.



Rev. Guther Reeh, amushanga omunene gwongerki yaELK sho a ka fudhile po kuNdowishilanda, moluunkundi wolutu okwa tiwa kutya ita galukile we kuAfrika. Oye okwa yakula ethimbo ele mongerki yavalelwamo nokwa li e yi igandjela nomwenyo gwe aguhe.

mefiku. Ino longifa ofewa manga, fiyo omesho a veluka. Eisho ile omesho ngeenge okwa twiywa ile okwa dengwa, ile okwa yashwa, ile okwa pya n.sh.t. oiponga aishe yakula, endelega u twale okaana koshihakulilo diva, manga inaa ninga eenhe ile inaa twika.

Ino longifa oimbodi nande!!

### Onghowa yokahanana:

Ngeenge wa hala okumonena okaana koye keumbo, longekida oinima ei: Konga ongodi yokuhondja, keshe tuu oludi, ile oluvala olo wa mona. I tula kumwe ndele to hodila eengodi nande 6 dokumangifa ekoto. Konga okambi ile onghonda yokutetifa onghowa. Tula mondooxa eengodi doye 6 pamwe nokambi ile onghonda, ndele tai fuluka nawa.

Kosha oulapi nomeva nofewa, va fulukifa nawa, ngeenge va kukuta va kangula vali. Taula oulapi vanini nomalapi male okumangela po oulapi ovo ve li pekoto. Pungula eengodi, nokambi, noulapi, mondooxa ya yela nawa i na oshituviko.

Longifa nee oinima oyo ngeenge owa monena okaana meumbo. Ino tula oimbodi pekoto, aye. Ekoto ngeenge otali anye okuveluka twala diva okaana koshihakulilo. Okumonena onunona voye moshihakulilo osho oshinima shiwa nosha fimana unene. Kendabala alushe u ka monene onunona voye moshihakulo.

### Omupanu:

Hakula omupanu ngaha meumbo. Yandja omeva mahapu okunwa pamafimbo mahapu kwaau ta vele omupanu. Omeva naa kale a fuluka nokwa pola nawa. Mefiku lotete olo omunhu a kwatwa komupanu, omunhu na nwe ashike omeva mahapu notee, nande ina hala. Opo nee mefiku etivali na lye oshipilili, mu na okashuuka kanini, natango na twikile okunwa omeva mahapu notee.

Momafiku oo avali ita li oshifima, ombelela, omboloto, omungome, ombidi enyangwa, oitila, nosho tuu oikulya aishe oyo ikukutu. Omunaudu womupanu ita pumbwa okunwa oshikundu, ile okulya omashini a shikwa fiyo omupanu wa veluka filufilu.

Efiku etitatu yandja oikulya aishe naayi ikukutu pamwe nomeva notee. Okaana kanini ngeenge ka kwatwa komupanu ko taka kungu, ka pa ka nwe omeva manini pamafimbo.

Tala kep. 6.



**Aapangi aape ya langekwa miilonga okuza kolumoho sigo kolulyo: Hilma Auala; Hilja Ipinge; Helena Naunyango; Ester Ivula; Aina Katau; naPaulina Shipanga. Aini Kadhila naSussana Heita kaye mo mefano.**

### Oongerki muNdowishilanda tadhi kwatha muSuidwes

Oongerki ndhoka dhi na ekwatathano nuukumwe womahanganotumo taga longo natango oshilonga shevangeli muSuidwes; Ehangano tumo lyaReinland, lyaWestfalen, lyaLippe nolyaHessen-Nassau oga tokola okugandja manga ekwatho konyala R500,000 opo yi kwathe mongerki onkwaevangeli paLuther yaavalelwamo mUushimba (ELK).

Oongerki ndjika oyi na aasitagongalo 45 naayevangeliste 55. Kekwatho ndika tali zi pondje ongerki ndjika oyi na ngashingeyi omukumo gwokugwedhela oondjambi dhaanashilonga yayo. (Eid)

Dula mo oikutu yokaana, nangeka okaana opo pu na omhepo ya wana. Omunhu ta pupyala ita pumbwa okutuvikilwa oikumbafa ihapu. Ita nangala mondjuwo ya hotwa nomwa shakalwa omundilo, aye. Aishe ei ngeenge to i ningi, oto xumifa ashike oupyu komesho, fiyo okaana taka kambuka. Endelega u twale okaana koshihakulilo.

Ngeenge to twala okaana oko taka pupyala unene ile ka pupyala ko taka kambuka, humbata okakola, ile okavela komeva, opo u pe okaana ka nwe mondjila, ove u tutike vali elapi omo ka dingilwa, shamha la kukuta, fiyo wa fika nombili koshihakulilo: Ino hakula okaana noimbodi nande!

### Omesho onunona

Omesho ngeenge otaa yehama kanini otaa kwafwa ngaha: Fulukifa omeva nde taa polo nawa. A tuvikila mokanima kayela, kosha okalapi ndele taka yela nawa. Okalapi nomeva koshiba okaana moshipala. Ka kosha lu 3

## Ounamapya tau lundulukile moukwafabulika

Ngashi sha enda muEuropa, osho tashi kala yo paife nome du laSuidwes, kutya efimbo eshi tali lunduluka, osho yo omutungilo wedu tau lunduluka no- nghalo yovanhu otai lunduluka.

Nale ovanhu va hokwa okukala momaumbo avo opashiwana lela, ndele paife omo- maumbo opashiwambongolo. Omukalo wo- kulonga omapya yo owa lunduluka. Nale ovanhu ova uhalela va meneka ongula inene yalungada. Eengubu da umbwa noikokola ya kolwa.

Oilikolwa yomapya ya li ya fimana me- pindiko, oilya nomakunde. Ediinino lounama-



Omusitagongalo gwaayunguli mUushimba, Levi Max.

pya ola fa tali i paife nefimbo. lalo notali fyaala ashike mwaavo va talika ovanamapya lela.

Omene yongula inene okuka kashula omwiidi ile okuka konga oikuni, exwo ile eteleko lomomwifwi nexupo lomiheke nee- ndungu oya djuupalela paife ovanhu. Ponhele yaashi shapo omunhu ota tema divadiva shapo okapilimusha e lixwike mokaofi, ye a

tutike okavasalapi e lipyaane, a vakule oka- ndjato kaye wo otai i ko kailonga oyoka- fitola, oyofabulika ile okohofa yomuyandji woilonga (omuhona).

Omunhu wopaife okwa pumbwa oshee- ndifo apeshe apa tai, olupadi la djuupala itali dulika vali. Otwaalele nge ya ninga ihapu, omunhu a fike diva apa ta I.

### Okuyepa omalingwandjulo

Oilonga yo paife otai hovelwa notai xulu pefimbo la ufwa pamukalo woshiyeuropa, nosha eta elunduluko la kula monghalafano yovanhu. Eshi osha fa tashi ti kutya, eshi efimbo tali lunduluka ngaha neendelelo, osha pumbiwa yo omunhu keshe aha mangelwe ponhele imwe aike, nde a kale e na omhi- to okweenda apa naapenya ye e lihonge eenghendi doiwana ikwawo muSuidwes alishe.

Ngeenge hasho, nena omunhu ota ka kala ta kondjo nefimbo a kale moinima oyo a ika shito, nde ya fiwa po kefimbo, hauxu- ninwa omunhu ota tonwa eenghono kefi- mbo nota kala monghalo ii lela.

Nokuli omolwoshinima eshi moilongo i- kwao mwa holoka omalwoodi ngashi mu- Ndowishilanda omolwokudiinina oukwadu- mbo. Elunduluko lefimbo loikwafabulika otali pitika omunhu a mangelwe moshitukulwa shimwe ashike omo ta nyengwa okuwani- filwa mo eemhumbwe daye adishe. Efininiko leemhumbwe olo hali dala omhepo yekuni yokulungifa eenghono nohashi twala metiko lohonde.

Oinima tai shikula apa oya fimana mo- nghalafano yomalunduluko efimbo neemhu- mbwe:

- Emanguluko ledu alishe
- Eshiiyafano neikafano lomihoko di lili nodi lili
- Ondjabi i na oshilonga yokunyamukula eemhumbwe defimbo olo e li mo.

Ongerki yaKristus pefimbo eli nai ulike omunwe wayo koshinima eshi kutya Kristus oye omuhanganifi woiwana nomutungimbili moukumwe wongerki mokati kovanhu nga- shi e shi shakenifa nale nefyo lokomushia- kano.

Rev. G. Max



Olwotete eshi mongerki ya Elok, ovalu- menhu va tekulilwa oshilonga shoute- kuliumbo. Omudo wa dja ko ongudu yovalumenhu moshiwana eshi oya pita mEnongelo IOvayakuliongalo mEngela ve na eendombwedi doshilonga shavo. Meme Raija Seppala ota djaleke Nafi- tal Haufiku edidiliko loshilonga osho.


### Va shakenifa ehalo laKalunga

Ovanyasha Petrus Gabriel naAili Hamukwa- ya, ova shakenifa ehalo laKalunga eshi va ninga oshivilohombolo shavo mongerki ya- Dundja omafiku a dja ko. Okuninga oshi- vilohombolo, osho okushakenifa ehalo laKa- lungu nefimano koshipala shaye noshovanhu voshiwana shetu.

Ngaashi hatu indile meindilo letu, ehalo loye nali longwe kombada yedu ngaashi hali longwa meulu, osho tashi pumbiwa kovanyasha va ilikane ngaha, vo vaha nyone kehala IOmushiti.

Kalunga na punike eumbo lovanyasha ava vo va likole oshishani itaashi xulu po.

I. Mungungu



Omumbisofi nakuku Aina Auala oya tula omuthikamenwa gwawo pokati moshi- tuthi shelangeko lye, manga oonakuvala tate Julius nameme Hanna Katau ye li kombinga nombinga.

### Eputudho lyopakriste

Dha za kep. I.

Momuntu gumwe otamu adhika omathi- mbo agehe gomekoko lyomuntu. Oye omu- kuluntu, ihe ethimbo oloyo tuu ndyoka oku li okanona. Go pethimbo limwe omandhi- ndhiliko ngaka ohaga holoka muye oshita.

Okanona mokukoka kwako otaka pange- lwa komandhindhiliko gokombanda, unene okuza poomwedhi 10 otaka kwata taka yo- lo notaka dhimbulula. Monkatu yotango o- kanona taka kala moshikako sha kankame- kelwa kaakuluntu, opo take ya monkalo ya thikama muko kene.

Ongaaputudhi yegongalo otu na okulu- ngamena eputudho lyokutilitha, ihe unene moshikako shuunona. Lyo eputudho lyopa- kriste kali shi okulonga paukriste, ihe oku- longa ukriste wo wene u uvike ko nawa. Shono tatu shi longo aanona pahapu dhetu, otashi kala shi na oshilonga ngele osha tsa kumwe niilonga yetu.

## Ondjodhi yanakusa

"Onda li mokuti okunenene kwa thita. Mokuti moka onda mono mo ondjila onene ya mbwalangandja yi na aantu oyendji. mboka taa ende mo. Nangame onde ende wo nda landula ondjila ndjoka, ihe manga tandi ende, onda mono ishewe okandjila okashona ka landulwa kaantu aashona yowala.

Onda zi mo mondjila ndjoka ya mbwalangandja nonda landula okandjila hoka okashona. Ihe ohaluka aantu mboka ya li mokandjila moka oya kana po, inandi tseyo oyu uka peni. Ngame onda tsikiile ngaa okulandula okandjila hoka. Manga tandi ende mooha dhokandjila hoka omwa tukuluka elikama enene li na omanyala omanene nolya hala okunukila ndje.

Onda kwatwa kuumbanda nda tililila kwigidha: Jesus, Jesus Kristus, kwatha ndje! Enima ndyoka inandi li mona we, olya kana po ombadhilila. Okuza mpoka onda adhika kenota edhigu shili. Onda tameke okwiimba ovelise ontintano yEimbilo 108:

**"Kothithiya yehupitho, Nda yuulukwa kuyo, Ndi nwe mo wo momeya ngo, itaaga pwine po."**

Sho nda lengalenga, onda mono okandu ndu okashona taka yeluka handiyaka yokandjila kandje. Sho nda tongolola nawa kondungu yondundu ndjoka onda dhimbulula omusitagongalo gwaandjetu e li kombanda yayo a tala ndje.

Ngaye onde mu igidha: Tate, onda sa enota."

Okwa ti kungame: "Ekama okana koye."

Nosho nde ekama okana, okwa minikile ndje nokatoshe mokana, olutu lwandje aluhe nolwa talalelwa ihe noonkondo nenota olya kana po."

### Omusi Helena Shivute

Inapa pita we omasiku ogendji meme Helena sho a lala ondjodhi ndjika pehulilo lya-Juli 1972 manga e li mombete yuuwehame, okwa hulitha oondjenda dhe.

Okwa kala aluhe poohapu dhaKalunga, omutameki gwomaimbilo gegongalo lyaTjiwarongo okuza 1968-72. Ongundumbimbeli ye yahuginina a kala mo, oya ningilwa pombeta ye megumbo eti-27.7.72 pamwe naakulukadhi ooyakwawo sho taye mu laleke ando e ye koshipangelo shaShakati mOwambo.

Ihe Kalunga e mu zimbula mbala sho a thiki paakwawo mUukwambi eti-1.8.72. Mowambo okwa kala gwomegongalo lyaShitayi. Ookuume ke mongundumbimbeli mOtjiwarongo oya landa omushigakano gwokuthikama kombila ye, manga omuhona gwe te mu landele ongala yo-R1.90.

"Okwa li omudhiginini miilonga ye, onke na ka vululukwe shili" osho omuhona gwe gwiilonga a tumbula moluhodhi lwe.

Ev. Paulus Isak

### Omwa li mwa hekeleka nge

Vakwetu amushe mwe ile keumbo letu mwe ya ko mu talele nge po nomu hekeleke omwenyo wange notwa kundafaneni eendjovo daKalunga, ondi na olupandu linene omolwoshinima eshi.

Inamu shi efa okutalelapo ava va nyika ounghundi wokomwenyo noku va twa omukumo. Kalunga ne mu punikile oudiini weni aushe, nande inandi tumbula omadina eni apa oonima noongadi.

Ev. Paulus Hamukwaya  
Windhoek

## Etongoko louhaku mo- maumbo

Da dja kep. 4.

mbo mahapu. Ka pa yo otee mu na okashuuka kanini, ka nwefa mevele lokofitola ile kokanguto ile nokakopi. Na ka nyame kuina. Okaana ngeenge otaka kungu neenghono yandja ashike omeva notee, ndele endelega oku ka fikifa koshihakulilo.

Ngeenge omunhu okwa kwatwa komupanu tau endelega neenghono ile ta kungu ile e na omupanu wohonde, endelega oku mu twala koshihakulilo. Ndele ngeenge okaana itaka kungu ile itaka i koixwalu hapu, monyanta kamu na ohonde, itaka pupyala unene, na omupanu inau ninga omafiku mahapu na okaana oke na ehala okunwa, otashi dulika, okaana ka tya ngaha ka kale meumbo, nokupeva omeva mahapu okunwa, osheshi otashi dulika naanaa omupanu u veluke nawa. Ino hakula omupanu noimbodi, ayee!

### Oikulya

Kendabala okulimonena oikulya ya wana pamafimbo a wana. Oikulya ya wana tai etele, olutu oukolele wa wana. Oikulya tai longo ngaashi omi molutu lomunhu notai longele pamwe nomiti. Ngeenge hatu popi oikulya iwa ohatu diladila omai, oshikundu, ombidi, omashini, omakunde nomahola, oihenda neefukwa. Oimati yetu yOshiwambo oya fimana unene na oi na eevitamine dihapu ngaashi eembe, eembu, omauni, eeshe, osho yo omapapaye, omakwaava, amatamate, omaapule n.sh.t. Kendabala yo okunwa omeva mahapu mefikunande ino hala ile ito vele.

## Ya gongelela etumo moluhepo lwawo olu- nene

Egongalo lyaMpundja mUukwambi oyo okanona konyala koomvula ne adhike, ihe okuza petameko lela iilonga yalyo oye li holola kutya, olya koka mombepo yalyo

Meni lyoomvula dha tumbulwa olya vulu okutunga egumbo lyomusita osho wo ongerki yekuma lyosamende niipeleki tayi gwanene ngiika aantu 400-500. Oshindji oye na oku shi ninga po natango omolwotungo lyongerki ndjoka manga ngele omutse ugu li kumwe nothingo, Kalunga e shi pitika wa tegelela ye ku hiye keyapulo lyongerki ndjoka pehulilo lyomumvo nguka.

Egongalo ndika inaali kwathelwa nando kulye megongelo yliimaliwa yetungo, oli na ompumbwe yliimaliwa konyala R 1,000. Ihe omolwoshilongatomo momapya gomUuninginino, egongalo ndyoka olya kutha R 15.00 ye dhi gandjele koshilongatomo, mewiliko lya efolo Laimi Haufiku, pamwe noshipakete shoonguwo 22.

Ongundu onene yaantu 16 mwa gwedhwa omuhingi gwoshihauto, oya thindikile iipewahenda mbyoka ketumo mUuninginino eti-5.8.1972. Aampundja otaa ti:

"Shika otwe shi ningi omolwoshilonga shEtumo ndyoka tse wo tu li iiyimati yasho."

Mboka hamu ya dhimbulukwa yomegongalo ndika lyaMpundja momagalikano geni, natango otaa ti kutya, inamu vulwa natango oku shi ninga, oshoka ethikilo inali adhika manga. Osho omusitagongalo tate Hiskia Haufiku a hokolola pafupi.

Natu fimaneke oikulya yetu yOshiwambo osheshi oyo to dulu okumona noupu. Navalio oyadi oukolele. Shamha hatu ili pamafimbo a wana. Efiku keshe omunhu keshe ota pumbwa oikulya lune ile lutatu ngeenge, olunini. Kendabala u kongele olutu loye oukolele.

Shiwana shange, onye ovanelao ngeenge tamu diinine omapukululo aa nohamu a wanifa. Diinafiyo ohaxuuninwa, opo u ka mone efindano moukolele. Etumbulo linene nola fimana mouhaku wetu tali ti ngaha: Alikana omunaudu keshe woudu keshe ota pumbwa a fikifwe koshihakulilo.

**Ekelelo lomaudu oliwa nola fimana li dule ouhaku:**

Maria-Ndatambula Kanhene  
Engela-Hosptaal

## IHAMAKI ITE YA WE



*Omukuluntutumwa Rev. Mikko Ihämäki, sho a ka fudhile po oomwedhi dhimwe kuSoomi ye a galukile andola ishewe miilonga ye yetumo kOwambo, Ongerki ya Elok oya kundana noluhodhi olunene kutya, epangelo lya S. A. itali mu zimini-ne we a galukile mpaka.*

*Omusamane Ihämäki okwa li e na ombapila yeziminino lyokukala mpaka aluhe (permanent residence permit) nombapila yezimino a galukile miilonga ye (return visa).*

*Etokolo ndika nando lya uvika mooradio, Ongerki inayi tseyithilwa sha moshinima shoka noinayi pewa etompelo kutya omolwashike.*

*Ongomulongi okwa holokele lwotango kOwambo 1961 nokwa kala omukuluntusikola mOngwediva. Aalongi oyendji naanambelewa mOwambo oya putudhwa kuye. Mo-1968 okwa ningi omukuluntutumwa moka a kwatha moonkatu odhindji melongelokumwe lyEtumo nOngerki.*



## OKEFE ONTIYALI MONGERKI

Sho pwa kambadhalwa ethimbo ele ku monike eyakulo etiyali lyiikulya nolyomilalo mOngerki, unene mOshakati, eyamukulo olya monika ihe ngashingeyi sho oshikondo shuunangeshefa sha zimine nokugandja ombapila yiilonga kOkefe ndjoka. Pwa piti konyala oomwedhi ne eyakulo lyOngerki mOshakati sho lya tameke pampumbwe dha tumbulwa pombanda.

Eyakulo ewanawa, iikulya oyo opala, omilalo odhuuzeko, ombili maayakuli otayi uvitha uugumbo, osho sha tumbulwa koyendji ya yakulwa meyakulo ndyoka.

Osho sha ningwa nelalakanopu kale mOngerki eha lya tya ngaaka tali yakula nombili, neidhidhimiko, nohole nondjunga nosho tuu, nokugandja wo ompito yokulesha iileshwa yi ili noyi ili kwaangoka ta vululukwa moka.

Meme Aino Dumeni, kolumoho ongomukuluntu gweyakulo mokefe oha kwatha wo aayakuli okufala iikulya kiitafula.

## A GWA POMBANDA YONGERKI

Omusamane Pius Linus okwa gu pombanda yetungo lyongerki yaMpundja ndyoka li ipyakidhilwa nalyo ngashingeyi uule wooyata 4. Oye ogwomimvo 50.

Omusamane Pius, oye omuwiliki miilonga yekolongo lyongerki ndjoka. Okwa mono einyengo kashona mesipa lyompando nokwa tulwa mosamende moshipangelo shaShakati. Aasamane ooyakwawo yaali ya gu pamwe naye. Tauno Alfeus naLaban Aaron, inaa mona oshiponga shasha. Tate Pius oku li hwepo ngashingeyi.

Omusitagongalo tate Hiskia Haufiku ta ti: "Aamwameme mwi pyakidhile nale oku tu galikanena nokuyambidhitha ketungo lyetu, natango inamu vulwa oku shi ninga."

## ETSEYITHO

Kalunga ngele e shi hala meti-13-15. 10.72 kOngwediva otaku ka kala edheulo LYONGUNDULWII-MBO LWAAIMBI AALUMENTU. Aaimbi mboka ya tuminwe omahiyo nale, otaa tegelelwa ya thike ongulohi yeti-13.10. opo tu kale medheulo eti-14.10. Ngele ope nompito okuya yatatu nokuli nena onawa. Kehe gumwe na etelele 25c.

Ileni po nawa. M. Namalenga

## Ongwediva ya fala ko wo oonyala koshilongatumo

Omagano goonguwo nomakaya oga li ga gongelwa megongalo lyaNgwediva noga thindikilwa kokangundu "Hamunona Hamukuluntu" kepya lyetumo kOnankali mewilikö lyomusitagongalo Elia Nghikembwa.

Moshituthi oshinene sha ningwa Osoondaha ndjoka, omusita Nghikembwa okwa yakula meshasho Aayeleele yaali nosho wo mUulalelo Uuyapuki mboka wa liwa kumwe nayamwe yomAayeleele. Shika osho oshituthi shotango mOnankali Aayeleele sho ya yakulwa mUulalelo Uuyapuki.

Ootate noomeme yokOngwediva, tse yokOnankali twe mu tseya molupe lwiipala yaana yeni mwe ye tu tumine. Kalunga ne mu gwedhele ko komayambeko geni omolwomwenyo gwokombanda yevi nogwaaluhe.



Abisai liuhwa

## OMUKWETU

Oshifo shOngerki onkwaevangeli paLuther yomOwambokavango Die Nuusblad van die Evangeliese Lutherse Owambokavangokerk Ohashi nyanyangidhwa mOniipa, Omukuluntu gwoshifo/Hoofredakteur omumbisofi Dr. Leonard Auala, Amushanga/redakteur Rev. Sebulon Ekandjo Ondando yoshifo komumvo muSuidwes-Afrika R1.00, kombanda yomafuta R2.00 Ondando nomambestelo naga tumwe kOmu-kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule woondeimi 1 otashi futwa R1.00  
oondeimi 2 otashi futwa R1.90  
oondeimi 3 otashi futwa R2.70  
oondeimi 4 otashi futwa R3.40  
oondeimi 5 otashi futwa R5.00  
Oto vulu okutuma wo efano lyaashono wa hala shi tseyithwe.

Owambokavango Church Press  
P/B 2013 Ondangwa, S. W. A.



Ou shi tuu iinima 4 we yi pumbililwa?

- Owa pumbwa okuhupithwa.
- Okuzimina uunkundi wo-ye nkene ku vulu okwihupitha.
- Ehupitho lya longwa nale lya pwa.
- Eitaalo lyyoye mumbika o-lyya pumbiwa.